

دار الفنون

جہوں فافولیتہ محمدیہ

مقرون ، اقتصادیات

ایک آبدہ بر نشر اولنور

مندرجات

قسم مقرون :

فرانسه قودسیویلنہ و آلمان قانون مدیسنه نظرآ نسپک تصحیحی . . . حاجی فادن
تورک - رومہن محکمہ حکمیہ سندہ کی حادثہ
اون یدی یاشنی یتیرن بر قیز اولنہ بیلیری ؟ منیب خبری
اسویچره فہدہ راسیون (فہدہ رال) محکمہ سی قرارلری . . . (ناقلی) تحسینی بکر

قسم اقتصادی :

بولشہ ویزمک کیزلی اساسلری عینی زادہ حسن تحسینی
1927 سنہ سی مآذونلری شرفنہ ویریلن مساعیرہ

۹۲۷ سنه سی مآذونلری شرفه ویریلن مسامره

۹۲۷ سنه سی مآذونلری شرفه حقوق طلبه سی جمعیتی طرفدن ترتیب ایدیلن مسامره
۹۲۸ مایسک ۲۴ نجی پرشبه کونی ساعت اون آلتی بجقده غلطه سرای لیسه سی
قونفرانس سالوننده ویرلشد.

دعوتیلر میانده افغان قرالی حضرتلرینک کریمه لری پرنسس ملیحه وقائن والده لری
رسمیه خانم افندیلر حضراتیله ، استانبول والیسی مدحت بك افندی ورفیقه لری ، حقوق
فاکولته سی و دیگر فاکولته رؤسا و مدرسینی ، حقوق عالمنه منسوب برچوق کزیده ذوات ،
محاکم اعضا و رئیس لری ، ارکان حکومت ، ارکان دیوان حربی اعضا سندن برتو پاشا ،
ارکان مطبوعات ، حقوق طلبه سی و مآذونلری حاضر بولمقده ایدی .

مسامره به استقلال مارشیله باشلامش و آیاقده دیکله نن مارشمز حرارتلی بر صورتده
آلایشلامشدر .

متعاقباً حقوق طلبه جمعیتی رئیس منیب خیری بك طلبه نامه شونطق ایراد ایلشدرد:
مبجل پرنسس حضراتی ، محترم مسافرلرمز ، عزیز مآذون آرقداشلر
مآذونلر شرفه درونی بر ایستکه ترتیب ایدیلن شو متواضع مسامره بی لطفاً
تشریف لردن دولابی محترم حضاره حقوق کنج لرینک شکران حسلرینی عرض ایلرم .

بو وسیله ایله صمیمیت و تحسسمزی تثبیت و حقوق طلبه سی نامه شو بر قاچ جله بی
تلفظ ایچون کله لر زواللی بر افاده ، لسانم عاجز بر واسطه در . بو وطن خلقی کیفی
معامله دن راحتسز بومملکت کویلیسنک حقسزلقدن باغری یانقیدی . کچمش زمانلرک
عدالت جهه سنده کی خاطر انک مراد لرندن بحث ایده جک دکلم . فقط بو کون شوده بر
حقیقت که : ملت لر ترقی بوللارنده اللرنده عدالت مشعله سی اولورسه آدیم آتابیلور . داهای دون
دینه جک درجه ده یاقین بر زمانده سیاست داخلیه مزک اساسی قانونلرک بلا فرق هر کسه
تطبیقیدر دیندی . بواساس ، بوتلقی حق مفهومک نه قدر مهملشدیکنی کوسترن و مآذون
آرقداشلرمزه شرفی وظیفه لرینک درجه اهمیتته اشارت ایدن نه قادر بر حقوق تجلیسیدر .

سیاسی حیاتده رول آلان بر مرخصمن لوزانده یشیل ماصه باشنده یکی قورولان تورکیه بی جهان مدیته قارشی شویله تعریف ایله مشدی : هر درلو تغلب و تحکملردن آزاده، حکومت ایچنده حکومتلردن معرا، منابی بول، وسائط مدافعه سی مبذول، حر و بی بر وطن بو وطنک آدی تورکیه در. « شدتلی آلقیشلر - مآذون آرقاداشلرمن نه قادار مسعود و بختیاردر که بو وطنک قانونلری ده حرویکیدر. حق ایسته ین هر کسه اک بو کولمز وجدان وقناعت صلابتله حق ویره ن حاکم لرمز میانه داخل اولان و بیگ بر مشکلات ایجریسنه آتیلیمقده بولونان آرقاداشلرک بویله قانونلری حر و مستقل اولارق تطبیق ایلمک فکریله مشبوع اولدقلرینه و لازم کلن روح جلادتی طاشیدقلرینه امینز .

آرتق بومملکت قانونلری قارشوسنده آریلق، غیر یلق یوقدر . وضعیت مخصوصه لر موضوع بحث دکلدرد . هر کیم اولورسه اولسون شخصیتک قوتلی وضعیتی دکل قانونک مطلقیت و آمریتی واردرد و آنجاق بو پایدار اولاجقدر .

کنج تورک حقو قیسی مآذون آرقاداشلرکده بو وظیفه یی ترددسز و پرواسز یاپاجنی، حق و عدالت یولندن آریله جنی اطمئنایله اراحه وجدان ایله بورز .

آرقاداشلرمنزه یورونمی چنین اولان بو یولده حقوق طلبه سی جمعیتک موفقیت تمینسی تأیید و حضور لر یله بذل مفخرت ایله مکدن چکیمه ین چوق بو کسک کتله سامعینه ده منتدار حسیاتمزی تأکید ایدرم افندم .

طلبه جمعیتی رئیس منیب خبری بکک بو نطقندن صوکر ا حقوق فاکولته سی رئیس طاهر بک کرسیه چیقمش، حیاته آتیان کنج مآذونلری تشجیع ایتمش و دیمشدر که : بویوک رهبریمز، خلاصکار غازیملرک آجدینی شرفلی یوللرده مآذونلریمزی تشجیع ایدرکن خواجه لرینک حسیاتنی ابلاغ ایدیورم . وطنه و جمهوریته خدمت یولنده کی مساعیلرینی مدرس لری دائما قیبلرنده طاشیرلر و بونکله مفتخر اولورلر . بو قیسه فقط وجیز سوزلر چوق آلقیشلانمشدر .

حقوق فاکولته سی حقوق اداره مدرس ی مصلح الدین عادل بکده کرسیه چیقارق برخطابه ایراد ایلشدر . مدرس محترم از جمله دیمشدر که : سبز نه کنج لکدن اختیارلنه دوغرو برسنه دهاها یورودیکمزی حس ایتدیریورسکز . بز اومسعودلر زکه یاشلاندنجه کنج لاشدیکمزی و امیدلریمزی اسکی نسلدن زیاده یکی نسله باغلامقله آکلایوروز . کنج

ماذونلر ! سز سلسله حقوقيه پيرو اولقله بوكوزل ومسعود تور كيه نك ايچنه آنيلىق سعادتيه مسعود سكر . بوراده ملت سزدن حضور ، سعادت و عدالت بولاچق . جمهوريتك معناسك خلقه اعظمي خير ومنفعت بخش ايتك اولديغه كوره سز بو وظيفه يي ايضا بختيارلغنه مظهر اولاجقسكر . بز توركلر چوق كزیده بر تمثاله مربوطز . بويوك خلاصكار من وطنك افتنده پارلايان سپاي پاك ودرخشايله هر آن زه هيچان ورن عزم واراده نك تمثالي دكل ، عزم واراده نك تا كنديسيدر . - سوره كلي آقيشلر - مصلح الدين عادل بكدن صوكره ماذونلر نامنه عبدالرحمن شفيق بك بروجه آتي سوزلري سويلشدرد :

آرقداشلر :

انساب ايتديكمز حقوق فاكولته سندن آريلقله ، ياخودده چوق فيضلي ونشئه لي بر حياتي ماضى ديلن قورقونچ هيولانك آغزينه ويرمكله نه قدر متأثر اولويورسه ق بويوك ملتك وارلغنه بر نقطه ، اونك قوت و قدرته بر ذره و بر جمله داها علاوه ايدم جكمزه قانع بولمقله اوقدر ممنون بولونيورز . استقبالي دوشونور كن كندى وارلغمزدن تجر دايدىيور و موجوديتى بزدن ايش بلكه ين بويوك بر ملتك وارلغنه مال ايدىيور كندى امللريمزي اونك امللريله توحيد ايدىيورز داها طوغرىسي اونك امللريني كندى املمز عدايدىيورز . استقبالي دوشونور كن قدرتلي بر وارلغنه ايضا ايدم جكمز خدمتلك حصوله كتيره چكي تكامل و ترقىي كوردويور وبوشوق ايله مست اولويورز . وطنك بزدن دائمي ، ييلماز ، فراغتلي برسى ايسته ديكني بيلويور وبوني جديته تقدير ايدىيورز . هر درلو رجىي حر كترلر تلعين ايدىيور ، انقلابك بولنه باش قويويورز .

صوك سوزم شودر : بويوك بر فراغتله جهلمزك ازاله سنه چالیشان تدریس هيأتمزه منت وشكر انلريمزي عرض ايدر وحضورلريله بزي منتدار قیلان سزله وبواجتماعي ترتيب ايدن قرده شلريتمزه تشكرلريمزي تقديم ايلرم .

شفيق بك سوزلردن صوكره رفيق و فؤاد بكلر ظرفندن كان و پيانو ايله كوزمل بر بارچه چالشدرد .

بعده جوروك مرديبون پيهسى تمثيل ايدلشدرد . پيه سده حقوق ايكنجى صنفندن صائم بك باشده اولق اوزره بلند ، بنان ، رشيد بكلر فوق العاده موفق اولشلردرد .

پیه سدن صوکره پروغرامک برنجی قسمنه نهایت ویرلش و حضار طلبه جمعیتی رئیس
 ثانسی جمال بک طرفندن چایه دعوت ایدلمشلردر . مکتبک اک بویوک و کوزهل بریمک
 سالونه بشیوز کشیک صوفرا ترتیب ایدلمشدی . اوچنجی صنفدن خالد و محمود بکلرک
 اینجه برذوق و قصورسز دینه جک درجه ده هرجه تله زنکین اولارق ترتیب ایله دکلری
 صوفرا اردن مسافرلر اعزازوا کرام ایدلمشلردر . افغان پرنسی حضراتنه بر محل مخصوص
 تفریق ایدلمشدی . چایدن صوکره مسامره نک ایکنجی قسمنه رفیق و فؤاد بکلرک چوق
 موفق اولارق چالقلری برپارچه ایله باشلامش و بونی حقوق ایکنجی صنفدن علی فوزی
 بک طرفندن فرانسز جه دن لسانزه « اونوتولش » اسمیله نقل ایتدیکی پیه سک صحنه یه وضع
 ایدلمسی تعقیب ایشدر . مستنطق رولنده حقوقدن علی و آووقات رولنده حقوقدن بهان
 کاتب رولنده حقوقدن توفیق ، مظنون رولنده کذا حقوقدن خیری بکلر چوق موفق
 اولدیلر . خاصه شایان دقتدرکه هر ایکی پیه سک ده ماکیاز اعتباریله اولان موفقیتی چوق
 بویوکدی . زیبک رقصی مستثنا ایدی . تکرارینه باعث اولان شدید آلیشلرده بونی اثبات
 ایلدی . آلیشله مقابله ایچون ره وه رانس برینه طبق زیبکلر کی ال ایله سلاملر و سلاح پاطلا تمقلر
 نه کوزهل و مؤثر برر ژه ست اولویوردی . مسامره نهایت بولمشدی . مسافرلر ایکی اوچ
 ساعت خوش وقت کچیردکلرندن نمون عودت ایدیورلردی . مآذونلرک یوکسک مسافرلر
 و مدرسلریله برابر فوطو فرانسه طرفندن آلیان فطوغرافیلرله بو قبمتلی و خاطره لی کونه
 نهایت ویرلش اولویوردی . باشده حقوق طلبه جمعیتی رئیس منیب خیری بک اولمق اوزره
 طلبه هیئت اداره سندن جمال ، فخری ، محی الدین ، جاهد ، اسعد ، کامل و هیأت یرتیبیه دن
 کبرا ، نزاهت ، عمران ، بهیجه حاملر ایله عاصم ، محمود ، عثمان و ربیبی بکلرک ترتیب
 ایتدیکی بویله موفقیتلی و متکامل بر مسامره دن دولایی تبریکی وجیهه عدا ایدرز .

